

# 第三處：入法界

(三會)

一. 室羅筏國逝多林給孤獨園

二. 福城東大塔廟

三. 善財童子五十三參



# 入 法 界 品

## 二. 福城東大塔廟

(六千比丘路上發心及福城東大塔廟會)

## 入法界品逝多林本會之舍利弗等路上發心之一

根本智起用		爾時，文殊師利童子從善住樓閣出，與無量同行菩薩，（四十華嚴參見附39-A2）
自性地	佛	及常隨侍衛諸金剛神、（自性地三寶起世間用）
	法	普為眾生供養諸佛諸身眾神、
	僧	久發堅誓願常隨從諸足行神、
涅槃十波羅蜜世間應用	佛	樂聞妙法主地神、
	法	常修大悲主水神、
	僧	智光照耀主火神、
	精進	摩尼為冠主風神、
	禪定	明練十方一切儀式主方神、
	般若	專勤除滅無明黑暗主夜神、
	方便	一心匪懈闡明佛日主晝神、
	願	莊嚴法界一切虛空主空神、
	力	普度眾生超諸有海主海神、
	智	常勤積集趣一切智助道善根高大如山主山神、
菩薩十波羅蜜世間相用	佛	常勤守護一切眾生菩提心城主城神、
	法	常勤守護一切智智無上法城諸大龍王、
	僧	常勤守護一切眾生諸夜叉王、
	精進	常令眾生增長歡喜乾闥婆王、
	禪定	常勤除滅諸餓鬼趣鳩槃荼王、
	般若	恒願拔濟一切眾生出諸有海迦樓羅王、
	方便	願得成就諸如來身高出世間阿脩羅王、
	願	見佛歡喜曲躬恭敬摩睺羅伽王、
	力	常厭生死恒樂見佛諸大天王、
	智	尊重於佛讚歎供養諸大梵王。
不離根本智		文殊師利與如是等功德莊嚴諸菩薩眾，出自住處，來詣佛所，右遶世尊，經無量匝，以諸供具種種供養；供養畢已，辭退南行，往於人間。
世間智者		爾時，尊者舍利弗承佛神力，見文殊師利菩薩，與諸菩薩眾會莊嚴，出逝多林，往於南方，遊行人間；作如是念：我今當與文殊師利俱往南方。
同起六位行法	皈依佛	時，尊者舍利弗與六千比丘，前後圍遶，出自住處，來詣佛所，頂禮佛足，具白世尊；世尊聽許，右遶三匝，辭退而去，往文殊師利所。
	皈依法	此六千比丘是舍利弗自所同住，出家未久，所謂：海覺比丘、善生比丘、福光比丘、大童子比丘、電生比丘、淨行比丘、天德比丘、君慧比丘、梵勝比丘、寂慧比丘……。（世間十波羅蜜圓滿善根）
	皈依僧	如是等，其數六千，悉曾供養無量諸佛，深植善根，解力廣大，信眼明徹，其心寬博，觀佛境界，了法本性，饒益眾生，常樂勤求諸佛功德，皆是文殊師利說法教化之所成就。

## 入法界品逝多林本會之舍利弗等路上發心之二

		爾時，尊者舍利弗在行道中觀諸比丘，告海覺言：海覺！
依十波羅蜜起十種觀察	佛	汝可觀察文殊師利菩薩清淨之身相好莊嚴，一切天人莫能思議。
	法	汝可觀察文殊師利圓光映徹，令無量眾生發歡喜心。
	僧	汝可觀察文殊師利光網莊嚴，除滅眾生無量苦惱。
	精進	汝可觀察文殊師利眾會具足，皆是菩薩往昔善根之所攝受。
	禪定	汝可觀察文殊師利所行之路，左右八步，平坦莊嚴。
	般若	汝可觀察文殊師利所住之處，周迴十方常有道場隨逐而轉。
	方便	汝可觀察文殊師利所行之路，具足無量福德莊嚴，左右兩邊有大伏藏，種種珍寶自然而出。
	願	汝可觀察文殊師利曾供養佛，善根所流，一切樹間出莊嚴藏。
	力	汝可觀察文殊師利，諸世間主雨供具雲，頂禮恭敬以為供養。
	智	汝可觀察文殊師利，十方一切諸佛如來將說法時，悉放眉間白毫相光來照其身，從頂上入。
獲根本智初發心		爾時，尊者舍利弗為諸比丘稱揚讚歎、開示演說文殊師利童子有如是等無量功德具足莊嚴。彼諸比丘聞是說已，心意清淨，信解堅固，喜不自持，舉身踊躍，形體柔軟，諸根悅豫，憂苦悉除，垢障咸盡，常見諸佛，深求正法，具菩薩根，得菩薩力，大悲大願皆自出生，入於諸度甚深境界，十方佛海常現在前，於一切智深生信樂；
願得根本智		即白尊者舍利弗言：唯願大師將引我等，往詣於彼勝人之所。時，舍利弗即與俱行，至其所已，白言：仁者！此諸比丘，願得奉觀。
請法證菩提		爾時，文殊師利童子，無量自在菩薩圍遶并其大眾，如象王迴觀諸比丘。時，諸比丘頂禮其足，合掌恭敬，作如是言：我今奉見，恭敬禮拜，及餘所有一切善根。唯願仁者文殊師利、和尚舍利弗、世尊釋迦牟尼，皆悉證知！如仁所有如是色身、如是音聲、如是相好、如是自在，願我一切悉當具得。
文殊說法		爾時，文殊師利菩薩告諸比丘言：比丘！若善男子、善女人，成就十種趣大乘法，則能速入如來之地，況菩薩地！何者為十？所謂：
十種心無疲厭趣大乘法	佛	積集一切善根，心無疲厭。
	法	見一切佛承事供養，心無疲厭。
	僧	求一切佛法，心無疲厭。
	精進	行一切波羅蜜，心無疲厭。
	禪定	成熟一切菩薩三昧，心無疲厭。
	般若	次第入一切三世，心無疲厭。
	方便	普嚴淨十方佛刹，心無疲厭。
	願	教化調伏一切眾生，心無疲厭。
	力	於一切刹一切劫中成就菩薩行，心無疲厭。
	智	為成熟一眾生故，修行一切佛刹微塵數波羅蜜，成就如來十力；
		如是次第，為成熟一切眾生界，成就如來一切力，心無疲厭。

## 入法界品逝多林本會之舍利弗等路上發心之三

根本智 成就功德		比丘！若善男子、善女人，成就深信，發此十種無疲厭心，則能長養一切善根，捨離一切諸生死趣，超過一切世間種性，不墮聲聞、辟支佛地，生一切如來家，具一切菩薩願，學習一切如來功德，修行一切菩薩諸行，得如來力，摧伏眾魔及諸外道，亦能除滅一切煩惱，入菩薩地，近如來地。
得根本智		時，諸比丘聞此法已，則得三昧，名無礙眼見一切佛境界，得此三昧故，
得十種大智慧無礙	佛	悉見十方無量無邊一切世界諸佛如來，及其所有道場眾會；
	法	亦悉見彼十方世界一切諸趣所有眾生；
	僧	亦悉見彼一切世界種種差別；
	精進	亦悉見彼一切世界所有微塵；
	禪定	亦悉見彼諸世界中，一切眾生所住宮殿，以種種寶而為莊嚴；
	般若	及亦聞彼諸佛如來種種言音演說諸法文辭訓釋，悉皆解了；
	方便	亦能觀察彼世界中一切眾生諸根心欲；
	願	亦能憶念彼世界中一切眾生前後十生；
	力	亦能憶念彼世界中過去、未來各十劫事；
	智	亦能憶念彼諸如來十本生事、十成正覺、十轉法輪、十種神通、十種說法、十種教誡、十種辯才；
圓滿光明		又即成就十千菩提心、十千三昧、十千波羅蜜，悉皆清淨；得大智慧圓滿光明，得菩薩十神通，柔軟微妙，住菩提心，堅固不動。
入普賢行次第圓滿		爾時，文殊師利菩薩勸諸比丘住普賢行；住普賢行已，入大願海；入大願海已，成就大願海。以成就大願海故，心清淨；心清淨故，身清淨；身清淨故，身輕利；身清淨、輕利故，得大神通無有退轉；得此神通故，不離文殊師利足下，普於十方一切佛所悉現其身，具足成就一切佛法。

附39-A6：四十華嚴入法界品之舍利弗及諸比丘等路上發心之一

根本智起用		爾時，文殊師利童子從善住樓閣出，與無量同行大菩薩眾，（此處依四十華嚴）
自性地	佛	及常侍衛諸金剛神，
	法	普為世間現大威力身眾神，
	僧	久發堅誓供養諸佛足行神，
涅槃十波羅蜜世間應用	佛	念昔大願樂聞正法相續不斷主地神，
	法	深淨大悲莊嚴法界普潤眾生主水神，
	僧	智慧威力光明遍照主火神，
	精進	摩尼寶冠以嚴其首主風神，
	禪定	光照十方差別儀式主方神，
	般若	專勤除滅無明黑闇主夜神，
	方便	一心開現如來智日主晝神，
	願	普遍莊嚴虛空法界主空神，
	力	能勤方便拔濟眾生生死海主海神，
	智	常勤積集出過心量趣一切智勝幢善根主山神，
起大誓願		發大誓願運度眾生稱讚諸佛勇猛無倦主河神，
菩薩十波羅蜜世間相用	佛	常勤守護一切眾生菩提心城主城神，
	法	常勤守護一切眾生諸大龍王，
	僧	常勤守護一切智城諸夜叉王，
	精進	常令眾生增長歡喜乾闥婆王，
	禪定	常勤除滅一切餓鬼所有飢渴鳩槃荼王，
	般若	恒願拔濟一切眾生成度生死海迦樓羅王，
	方便	願諸眾生普得成就超諸世間如來力身阿脩羅王，
	願	曲躬恭敬樂見諸佛種種功德摩睺羅伽王，
	力	深厭生死常樂瞻仰諸佛相好諸大天王，
	智	尊重於佛恭敬供養稱揚讚歎諸大梵王，
不離根本智		文殊師利與如是等種種色像威德莊嚴大菩薩眾，及諸世主，前後圍遶，從自住處來詣佛所，右遶如來，經無量匝，以諸供具種種供養，供養畢已，頂禮辭退，右遶而出，往於南方。
世間智者		爾時，尊者舍利弗，承佛神力，見文殊師利菩薩，與如是等諸大菩薩，及諸世主種種神通威德自在眾會莊嚴，從逝多林安詳而出，作是思惟：我今當與文殊師利，俱往南方。
同起六位行法	皈依佛	時舍利弗，即與眷屬六十比丘，前後圍遶，出自住處，往詣佛所，到已頂禮，一心觀佛，具白世尊，世尊聽許，右遶三匝，作禮辭退，往文殊師利童子所。
	皈依法	此諸比丘，皆舍利弗之所化度，出家未久，自所同住，所謂海覺比丘，妙德比丘，福光比丘，大悲比丘，電德比丘，淨行比丘，天德比丘，實慧比丘，梵勝比丘，寂慧比丘，與如是等六十人俱，（世間十波羅蜜圓滿善根）
	皈依僧	曾於過去供養諸佛深種善根，於甚深法悉能悟解，深信趣入最極清淨，志行寬博等佛境界，於佛教法，能正修行，悉能了知諸法本性，能大饒益成熟眾生，常樂勤求諸佛功德，皆是文殊師利童子之所教化。

附39-A6：四十華嚴入法界品之舍利弗及諸比丘等路上發心二

		爾時，尊者舍利弗，將諸比丘隨路而行，觀諸比丘，告海覺言。
依十波羅蜜起十種觀察	佛	汝可觀察文殊師利，清淨相好莊嚴之身，諸天及人莫能思議。
	法	汝可觀察文殊師利，圓光映徹普照十方，能令眾生心生歡喜。
	僧	汝可觀察文殊師利，放光明網微妙莊嚴，除滅眾生無量苦惱。
	精進	汝可觀察文殊師利，眾會威德，皆是菩薩往昔善根之所攝受。
	禪定	汝可觀察文殊師利，所行之路，左右八步清淨平坦，眾寶莊嚴。
	般若	汝可觀察文殊師利所住之處，周迴十方常有道場，顯現莊嚴隨逐而轉。
	方便	汝可觀察文殊師利所行之路，具足無量福德莊嚴，左右兩邊皆有伏藏，種種珍寶自然而出。
	願	汝可觀察文殊師利，由昔供養諸佛善根，隨其所在有雜寶樹，於其樹間寶藏開敷，出莊嚴具。
	力	汝可觀察文殊師利，隨其所在一切世主興供養雲，雨諸供具周布陳列，以為供養。
	智	汝可觀察文殊師利，十方諸佛將說法時，悉放眉間白毫光明來照其身，從頂上入。
獲根本智初發心		爾時，尊者舍利弗為諸比丘，稱揚讚歎開示演說，文殊師利如是無量種種功德具足莊嚴，時諸比丘聞是讚已，心意清淨信解堅固，踊躍歡喜不能自持，形體柔軟諸根和悅，垢障咸盡憂苦悉除，常見諸佛恒聞正法，迴向趣求一切智智，成就菩薩無礙善根，逮得菩薩無量諸力，出生無盡圓滿大悲，發起無邊廣大誓願，深入諸度究竟彼岸，十方佛海皆悉現前，於佛境界深生信樂。
願得根本智		即白尊者舍利弗言：唯願和尚，將道我等，親近於彼勝妙丈夫。時，舍利弗即與俱行詣文殊師利童子所，見已頂禮白言：仁者！此諸比丘，願得奉觀。
請法證菩提		爾時，文殊師利童子，與無量自在神通菩薩圍遶，并其大眾種種眷屬，如象王迴，觀諸比丘，時諸比丘，頭面禮足，恭敬合掌，白如是言：唯願大聖文殊師利，和尚舍利弗，世尊釋迦牟尼，悉當證知，我等今以得見大士勝妙丈夫，奉觀瞻禮，恭敬信樂，所有善根，及以我等過去所集福智善根，以此善根，願令我等，於仁所有如是色身，如是相好，如是音聲，如是自在，一切功德悉當具得。
文殊說法		爾時，文殊師利菩薩，告諸比丘言：若善男子善女人，成就十種趣大乘法，無疲厭心，則能速疾深入如來究竟之地，況菩薩地，何等為十？所謂：
十種心無疲厭趣大乘法	佛	見諸如來，以廣大心，親近供養，心無疲厭。
	法	積集成就一切善根，究竟不退，心無疲厭。
	僧	勤求一切諸佛正法，心無疲厭。
	精進	勤行一切菩薩殊勝諸波羅蜜，心無疲厭。
	禪定	普遍修習一切菩薩甚深三昧，心無疲厭。
	般若	次第趣入三世流轉一切諸法，心無疲厭。
	方便	莊嚴十方一切刹海，悉令清淨，心無疲厭。
	願	教化調伏一切眾生，皆令成熟，心無疲厭。
	力	於一切刹行菩薩行，經一切劫，心無疲厭。
	智	為欲成熟一眾生故，修一切刹極微塵數波羅蜜門，成就圓滿如來一力。
		如是次第，為一切眾生成就如來一切智力，心無疲厭。

### 附39-A6：四十華嚴入法界品之舍利弗及諸比丘等路上發心三

根本智 成就功德		比丘當知，若善男子善女人，成就深信，發此十種無疲厭心，則能長養一切善根，捨離一切生死流轉，悉能超出一切世間，不墮聲聞辟支佛地，成就如來一切種性，滿足菩薩清淨大願，積集一切如來功德，修行一切菩薩諸行，獲得如來力無所畏，摧伏眾魔及諸外道，滅除一切煩惱習氣，入菩薩地，近如來地。
得根本智		時諸比丘聞此法已，即時同證廣大三昧，名見一切佛境界無礙眼，得此三昧威神力故，
得十種大智慧無礙	佛	悉見十方一切世界諸佛如來，及其所有道場眾會。
	法	亦悉見彼一切世界所有眾生種種趣類各各差別。
	僧	亦悉見彼一切世界同異染淨各各差別。
	精進	亦悉見彼一切世界所有極微塵相差別。
	禪定	亦悉見彼諸世界中一切眾生所住宮殿，種種莊嚴，種種成就，及所受用，種種資具，各各差別。
	般若	及聞彼佛諸音聲海，演說諸法種種名句，文詞訓釋，性相祕密，悉能解了。
	方便	亦能觀察彼世界中一切眾生心行根欲各各差別。
	願	亦能憶念彼世界中一切眾生過去未來各十生事。
	力	亦能憶念彼世界中過去未來各十劫事。
	智	亦能憶念彼諸如來十本生事，十成正覺，十轉法輪，十種神通，十種記心，十種教誡，十種說法，十種辯才。
圓滿光明		又由得此三昧力故，即時獲得十千真實菩提之心，成就十千甚深三昧，具足十千諸波羅蜜，圓滿十千智慧光明，發起十千自在神力，以得如是菩薩三昧種種威神無礙勢力所莊嚴故，令其身心柔軟微妙，增長信樂，住菩提心，堅固不動。
入普賢行次第圓滿		爾時，文殊師利菩薩，具足安住真實吉祥微妙功德普賢勝行，勸諸比丘，令其安住勝普賢行，住勝行已，入於甚深廣大願海，入願海已，普遍成就甚深大願，以得成就大願海故，得心清淨，心清淨故得身清淨，身清淨故得身輕利，身輕利故則得廣大不退神通，以得如是大神通故，不離文殊師利足下，普於十方一切世界諸如來所，悉現其身，具足成就一切佛法



## 華嚴經入法界品福城東大塔廟會善財童子發無上菩提心之一

漸次南行至福城東住莊嚴林		爾時，文殊師利菩薩勸諸比丘發阿耨多羅三藐三菩提心已，漸次南行，經歷人間，至福城東，住莊嚴幢娑羅林中往昔諸佛曾所止住教化眾生大塔廟處，亦是世尊於往昔時修菩薩行能捨無量難捨之處；是故，此林名稱普聞無量佛刹，此處常為天、龍、夜叉、乾闥婆、阿脩羅、迦樓羅、緊那羅、摩睺羅伽、人與非人之所供養。（四十華嚴城東大塔廟會，見附39-A7）
說法界法		時，文殊師利與其眷屬到此處已，即於其處說普照法界修多羅，百萬億那由他修多羅以為眷屬。說此經時，於大海中有無量百千億諸龍而來其所；聞此法已，深厭龍趣，正求佛道，咸捨龍身，生天人中。一萬諸龍，於阿耨多羅三藐三菩提得不退轉；復有無量無數眾生，於三乘中各得調伏。
人間福城眾		時，福城人聞文殊師利童子在莊嚴幢娑羅林中大塔廟處，無量大眾從其城出，來詣其所。（福城四眾，結構見附39-4）
	五百優婆塞	時，有優婆塞，名曰大智，與五百優婆塞眷屬俱，所謂：須達多優婆塞、婆須達多優婆塞、福德光優婆塞、有名稱優婆塞、施名稱優婆塞、月德優婆塞、善慧優婆塞、大慧優婆塞、賢護優婆塞、賢勝優婆塞……如是等五百優婆塞俱，來詣文殊師利童子所，頂禮其足，右遶三匝，退坐一面。
	五百優婆夷	復有五百優婆夷，所謂：大慧優婆夷、善光優婆夷、妙身優婆夷、可樂身優婆夷、賢優婆夷、賢德優婆夷、賢光優婆夷、幢光優婆夷、德光優婆夷、善目優婆夷…如是等五百優婆夷，來詣文殊師利童子所，頂禮其足，右遶三匝，退坐一面。
	五百童子	復有五百童子，所謂：善財童子、善行童子、善戒童子、善威儀童子、善勇猛童子、善思童子、善慧童子、善覺童子、善眼童子、善臂童子、善光童子……如是等五百童子，來詣文殊師利童子所，頂禮其足，右遶三匝，退坐一面。
	五百童女	復有五百童女，所謂：善賢童女、大智居士女童女、賢稱童女、美顏童女、堅慧童女、賢德童女、有德童女、梵授童女、德光童女、善光童女……如是等五百童女，來詣文殊師利童子所，頂禮其足，右遶三匝，退坐一面。
根本智合會善財		爾時，文殊師利童子知福城人悉已來集，隨其心樂現自在身，威光赫奕蔽諸大眾；以自在大慈令彼清涼，以自在大悲起說法心，以自在智慧知其心樂，以廣大辯才將為說法。復於是時，觀察善財以何因緣而有其名？
善財童子往昔因緣	善根初時	知此童子初入胎時，於其它內自然而出七寶樓閣，其樓閣下有七伏藏，於其藏上，地自開裂，生七寶牙，所謂：金、銀、瑠璃、玻瓈、真珠、碑磬、碼碯。
	信成就時	善財童子處胎十月然後誕生，形體肢分端正具足；其七大藏，縱廣高下各滿七肘，從地涌出，光明照耀。復於宅中自然而有五百寶器，種種諸物自然盈滿。
		所謂：金剛器中盛一切香，於香器中盛種種衣，美玉器中盛滿種種上味飲食，摩尼器中盛滿種種殊異珍寶，金器盛銀，銀器盛金，金銀器中盛滿瑠璃及摩尼寶，玻瓈器中盛滿碑磬，碑磬器中盛滿玻瓈，碼碯器中盛滿真珠，真珠器中盛滿碼碯，火摩尼器中盛滿水摩尼，水摩尼器中盛滿火摩尼……。如是等五百寶器，自然出現。
	信成滿時	又雨眾寶及諸財物，一切庫藏悉令充滿。以此事故，父母親屬及善相師共呼此兒，名曰善財。
	因緣會時	又知此童子，已曾供養過去諸佛，深種善根，信解廣大，常樂親近諸善知識，身、語、意業皆無過失，淨菩薩道，求一切智，成佛法器，其心清淨猶如虛空，迴向菩提無所障礙。

## 華嚴經入法界品福城東大塔廟會善財童子發無上菩提心之二

文殊演說一切佛法		爾時，文殊師利菩薩如是觀察善財童子已，安慰開諭，而為演說一切佛法。所謂：說一切佛積集法，說一切佛相續法，說一切佛次第法，說一切佛眾會清淨法，說一切佛法輪化導法，說一切佛色身相好法，說一切佛法身成就法，說一切佛言辭辯才法，說一切佛光明照耀法，說一切佛平等無二法。（依根本智十種演說一切佛法）
根本智後勸其成就		爾時，文殊師利童子為善財童子及諸大眾說此法已，慇懃勸諭，增長勢力，令其歡喜，發阿耨多羅三藐三菩提心，又令憶念過去善根；作是事已，即於其處，復為眾生隨宜說法，然後而去。
善財發心成滿		爾時，善財童子從文殊師利所聞佛如是種種功德，一心勤求阿耨多羅三藐三菩提，隨文殊師利而說頌曰：（三十四偈）
世間眾苦		三有為城廓，憍慢為垣牆，諸趣為門戶，愛水為池塹。
		愚癡闇所覆，貪恚火熾然，魔王作君主，童蒙依止住。
		貪愛為微纏，諂誑為轡勒，疑惑蔽其眼，趣入諸邪道。
		慳嫉憍盈故，入於三惡處，或墮諸趣中，生老病死苦。
佛十波羅蜜	佛	妙智清淨日，大悲圓滿輪，能竭煩惱海，願賜少觀察！
	法	妙智清淨月，大慈無垢輪，一切悉施安，願垂照察我！
	僧	一切法界王，法寶為先導，遊空無所礙，願垂教教我！
	精進	福智大商主，勇猛求菩提，普利諸群生，願垂守護我！
	禪定	身被忍辱甲，手提智慧劍，自在降魔軍，願垂拔濟我！
	般若	住法須彌頂，定女常恭侍，滅惑阿脩羅，帝釋願觀我！
	方便	三有凡愚宅，惑業地趣因；仁者悉調伏，如燈示我道！
	願	捨離諸惡趣，清淨諸善道；超諸世間者，示我解脫門！
	力	世間顛倒執，常樂我淨想；智眼悉能離，開我解脫門！
法十波羅蜜	智	善知邪正道，分別心無怯；一切決了人，示我菩提路！
	佛	住佛正見地，長佛功德樹，雨佛妙法華，示我菩提道！
	法	去來現在佛，處處悉周遍，如日出世間，為我說其道！
	僧	善知一切業，深達諸乘行；智慧決定人，示我摩訶衍！
	精進	願輪大悲轂，信軸堅忍鎗，功德寶莊校，令我載此乘！
	禪定	總持廣大箱，慈愍莊嚴蓋，辯才鈴震響，使我載此乘！
	般若	梵行為茵蓐，三昧為采女，法鼓震妙音，願與我此乘！
	方便	四攝無盡藏，功德莊嚴寶，慚愧為羈鞅，願與我此乘！
	願	常轉布施輪，恒塗淨戒香，忍辱牢莊嚴，令我載此乘！
僧波羅蜜	力	禪定三昧箱，智慧方便軌，調伏不退轉，令我載此乘！
	智	大願清淨輪，總持堅固力，智慧所成就，令我載此乘！
	佛	普行為周校，悲心作徐轉，所向皆無怯，令我載此乘！
	法	堅固如金剛，善巧如幻化，一切無障礙，令我載此乘！
僧波羅蜜	僧	廣大極清淨，普與眾生樂，虛空法界等，令我載此乘！
	精進	淨諸業惑輪，斷諸流轉苦，摧魔及外道，令我載此乘！

## 華嚴經入法界品福城東大塔廟會善財童子發無上菩提心之三

偈十波羅蜜	禪定	智慧滿十方，莊嚴遍法界，普洽眾生願，令我載此乘！
	般若	清淨如虛空，愛見悉除滅，利益一切眾，令我載此乘！
	方便	願力速疾行，定心安隱住，普運諸含識，令我載此乘！
	願	如地不傾動，如水普饒益，如是運眾生，令我載此乘！
	力	四攝圓滿輪，總持清淨光；如是智慧日，願示我令見！
	智	已入法王城，已著智王冠，已繫妙法繒，願能慈願我！
勸信勸行		爾時，文殊師利菩薩如象王迴，觀善財童子，作如是言：善哉善哉！善男子！汝已發阿耨多羅三藐三菩提心，復欲親近諸善知識，問菩薩行，修菩薩道。善男子！親近供養諸善知識，是具一切智最初因緣，是故於此勿生疲厭。
善財問十一種圓滿菩薩法		善財白言：唯願聖者廣為我說，菩薩應云何學菩薩行？應云何修菩薩行？應云何趣菩薩行？應云何行菩薩行？應云何淨菩薩行？應云何入菩薩行？應云何成就菩薩行？應云何隨順菩薩行？應云何憶念菩薩行？應云何增廣菩薩行？應云何令普賢行速得圓滿？（大問十別一總）
		爾時，文殊師利菩薩為善財童子而說頌言：
依十波羅蜜讚歎勸修	佛	善哉功德藏，能來至我所，發起大悲心，勤求無上覺。
	法	已發廣大願，除滅眾生苦，普為諸世間，修行菩薩行。
	僧	若有諸菩薩，不厭生死苦，則具普賢道，一切無能壞。
	精進	福光福威力，福處福淨海；汝為諸眾生，願修普賢行。
	禪定	汝見無邊際，十方一切佛，皆悉聽聞法，受持不忘失。
	般若	汝於十方界，普見無量佛，成就諸願海，具足菩薩行。
	方便	若入方便海，安住佛菩提，能隨導師學，當成一切智。
	願	汝遍一切刹，微塵等諸劫，修行普賢行，成就菩提道。
	力	汝於無量刹，無邊諸劫海，修行普賢行，成滿諸大願。
	智	此無量眾生，聞汝願歡喜，皆發菩提意，願學普賢乘。
讚歎發心		爾時，文殊師利菩薩說此頌已，告善財童子言：善哉善哉！善男子！汝已發阿耨多羅三藐三菩提心，求菩薩行。善男子！若有眾生能發阿耨多羅三藐三菩提心，是事為難；能發心已，求菩薩行，倍更為難。
說根本法		善男子！若欲成就一切智智，應決定求真善知識。善男子！求善知識勿生疲懈，見善知識勿生厭足，於善知識所有教誨皆應隨順，於善知識善巧方便勿見過失。
推薦精進		善男子！於此南方有一國土，名為勝樂；其國有山，名曰妙峯；於彼山中，有一比丘，名曰德雲。汝可往問：菩薩云何學菩薩行？菩薩云何修菩薩行？乃至菩薩云何於普賢行疾得圓滿？德雲比丘當為汝說。

附39-A7：四十華嚴入法界品福城東大塔廟會善財童子發無上菩提心之一

漸次南行至福城東住莊嚴林	爾時，文殊師利菩薩勸諸比丘發阿耨多羅三藐三菩提心已，漸次南行，經歷人間城邑聚落，至福生城，於其城東，住莊嚴幢娑羅林中，往昔諸佛曾所止住，教化成熟一切眾生大塔廟處，亦是世尊毘盧遮那，於往昔時，行菩薩行，能捨無量難捨之處，是故此林，名稱普聞無量佛刹，此處常為天龍，夜叉，乾闥婆，阿脩羅，迦樓羅，緊那羅，摩睺羅伽，人，非人等，恭敬供養。（此處經文依四十華嚴）
說法界法	時，文殊師利與諸眷屬，到此林已，即於其處，坐師子座說修多羅，名普照法界圓滿光明，百萬億那由他修多羅以為眷屬，說此經時，有無量百千億那由他諸大龍王并其眷屬，聞此法已，自厭龍趣，於佛功德深生愛樂，咸捨龍身生人天中，一萬諸龍，於阿耨多羅三藐三菩提，得不退轉，復有無量無數眾生，於三乘中各得成熟。
人間福城眾	時，福城人聞文殊師利住莊嚴幢娑羅林中大塔廟處，皆從城出，來詣其所。
	五百優婆塞 有優婆塞，名曰大慧，與其眷屬五百人俱所謂須達多優婆塞，寶德優婆塞，圓光優婆塞，名稱天優婆塞，月吉祥優婆塞，月喜優婆塞，月智優婆塞，大智優婆塞，賢護優婆塞，賢吉祥優婆塞，如是等眾前後圍遶，來詣文殊師利童子所，到已禮足，右遶三匝，却坐一面。（福城四眾，見附39-4A）
	五百優婆夷 復有優婆夷，名曰大慧，與其眷屬五百人俱，所謂妙圓光優婆夷，梵德優婆夷，吉祥優婆夷，妙臂優婆夷，賢光優婆夷，賢吉祥優婆夷，月光優婆夷，星宿光優婆夷，賢德優婆夷，妙眼優婆夷，如是等眾前後圍遶，來詣文殊師利童子所，到已禮足，右遶三匝，却坐一面。
	五百童子 復有童子，名曰善財，與其眷屬五百人俱，所謂善禁童子，善戒童子，善威儀童子，善行童子，善思惟童子，善智童子，善慧童子，善眼童子，善臂童子，善光童子，如是等眾，前後圍遶，來詣文殊師利童子所，到已禮足，右遶三匝，却坐一面。
	五百童女 復有童女，名曰妙賢，與其眷屬五百人俱，所謂大慧童女，善賢童女，端嚴面童女，堅善慧童女，吉祥賢童女，吉祥智童女，供養德童女，吉祥圓光童女，妙覺童女，如是等眾，前後圍遶，來詣文殊師利童子所，到已禮足，右遶三匝，却坐一面。
根本智合會善財	爾時文殊師利童子，知福城人悉已來集，普遍觀察，隨其心樂，即以神力現自在身，威光赫奕，蔽諸大眾，以大慈力令其眾會，皆得安隱清涼快樂，以大悲力起說法心，普遍成就，以大智力令其開悟，滅除一切煩惱心垢，以無礙辯，將說甚深廣大佛法。復於是時，觀察善財，以何因緣而立此名。
善財童子往昔因緣	善根初時 知此童子初入胎時，於其宅內，自然而出七寶樓閣，其樓閣下，有七伏藏，於其藏上，生七寶芽，所謂：金，銀，瑠璃，玻瓈，赤珠，磲磬，碼碯。
	信成就時 善財童子處胎十月然後誕生，形體端正肢分具足，其七伏藏縱廣高下量各七肘，忽自開現，光明照耀，內外家族視之無厭，復於宅中，自然有五百寶器，珍奇雜寶，各各盈滿。
	信成滿時 所謂金剛器中盛滿諸香，於香器中盛種種衣，美玉器中盛滿飲食，摩尼器中盛滿雜寶，黃金器中盛滿銀粟，白銀器中盛滿金粟，金銀器中盛滿瑠璃，瑠璃器中盛滿金銀及摩尼寶，玻瓈器中盛滿磲磬，磲磬器中盛滿玻瓈，碼碯器中盛滿赤珠，赤珠器中盛滿碼碯，星幢摩尼器中盛滿水精摩尼，水精摩尼器中盛滿星幢摩尼，如是等五百寶器，自然出現。
	因緣會時 復於宅中，遍雨種種珍寶財物及諸資具，一切庫藏悉皆充滿，以此事故，父母親屬及善相師，共呼此兒，名曰善財。 又知此童子，已曾供養過去諸佛，深種善根信解廣大，常樂親近諸善知識，身語意業皆無過失，勇猛精進，淨菩薩道，求一切智，成佛法器，心行清淨猶如虛空。

附39-A7：四十華嚴入法界品福城東大塔廟會善財童子發無上菩提心之二

文殊演說一切佛法	爾時文殊師利菩薩，如是觀察善財童子殊勝相已，熙怡微笑安慰開諭，廣為演說一切佛法，所謂：說一切佛積集法，說一切佛相續法，說一切佛次第深入法，說一切佛眾會清淨法，說一切佛法輪化導法，說一切佛色身相好清淨法，說一切佛法身普遍成就法，說一切佛無礙辯才法，說一切佛圓滿莊嚴法，說一切佛平等無二法。（依根本智十種演說一切佛法）	
根本智後勸其成就	爾時，文殊師利童子為善財童子及諸大眾說此法已，復以種種善巧方便慇懃勸諭，令其開覺增長勢力生大歡喜，發阿耨多羅三藐三菩提心，又令善財憶念過去所種善根，復為福城一切人眾，隨其根欲顯現神通，如所應度，廣為說法，然後而去。	
善財發心成滿	爾時，善財童子從文殊師利童子所，聞說諸佛如是種種勝妙功德大威力已，勤求愛樂阿耨多羅三藐三菩提，隨逐文殊師利，瞻戀不捨一心歸向，合掌諦觀而說偈言：（三十七偈）	
請法勸聞	有大智慧威神力，行菩提行利眾生，無量境界誓當求，唯願仁尊哀聽許。	
世間眾苦	愛水深濬為池塹，憍慢高舉為垣牆，諸趣出入為門戶，三有難超作城郭。	
	癡闇無明常所覆，貪恚熾盛火恒燒，魔王自在處其中，愚童凡夫依止住。	
	諂誑忿恨惑亂戲，貪欲所纏如羈索，疑惑所蔽若生盲，恒行險趣諸邪道。	
	常為慳嫉之所縛，入於三塗八難中，五趣輪迴不覺知，恒受生老病死苦。	
佛十波羅蜜	佛	滅惑大悲清淨日，智光普照圓滿輪，能竭生死煩惱海，願降慈光少觀察。
	法	圓滿大慈清淨月，福德光明無垢輪，一切眾生咸施安，願賜清涼少觀察。
	僧	一切法界功德王，白業成就為輪寶，所向導前無所礙，願順我心垂教勅。
	精進	廣博福智大商主，勇猛不退求菩提，普利一切諸眾生，唯願垂悲拔濟我。
	禪定	身被最勝忍辱甲，手提明利智慧劍，常能自在破魔軍，願雄猛者守護我。
	般若	安住妙法須彌頂，遶以三昧諸天女，摧滅業惑阿脩羅，真實帝釋願觀我。
	方便	三有昏闇凡愚宅，煩惱輪迴地趣因，仁尊永滅盡無餘，照世真燈示我道。
	願	眾生惡趣行已除，修治善道咸清淨，度諸有海橋梁者，示我真乘解脫門。
	力	常樂我淨顛倒想，厚重邪執常迷覆，明利智眼悉能除，開我真乘解脫路。
法十波羅蜜	佛	安住如來正見地，增長諸佛功德樹，雨一切佛妙法華，願速示我菩提道。
	法	去來現在一切佛，如日光明出世間，為眾能開甘露門，彼所得道願宣說。
	僧	能善解除諸業縛，巧轉諸乘妙法輪，智慧決了自在人，示我普焰摩訶衍。
	精進	大悲為轂行願輪，信鎔深固堅忍軸，淨功德寶真實轅，令我載此菩提乘。
	禪定	一切總持圓滿箱，慈愍普覆莊嚴蓋，妙辯才音鈴震響，令我載此最上乘。
	般若	清淨戒品為茵蓐，諸妙三昧為采女，法鼓洪音警有情，令我載此摩訶衍。
	方便	具足四攝無盡藏，莊嚴瓔珞功德寶，自他慚愧為羈鞅，令我載此無上乘。
	願	常放大捨圓滿光，恒塗淨戒真實香，永滅煩惱瘡疣者，令我載此最勝乘。
	力	三業調伏不退輪，六根寂靜三昧箱，最勝智慧方便軌，令我載此妙法乘。
	智	大願迴向善御者，總持諸法堅固力，智慧周旋常遍轉，令我載此速疾乘。

附39-A7：四十華嚴入法界品福城東大塔廟會善財童子發無上菩提心之三

僧十波羅蜜	佛	交絡普賢諸行網，悲心廣運能徐轉，所行無畏得安詳，令我載此無上乘。
	法	任持堅固等金剛，妙智巧成如幻事，一切障礙皆能斷，令我速載普賢乘。
	僧	大慈無垢等群生，普與世間賢聖樂，淨智如空照法界，願速令我載此乘。
	精進	能淨一切業惑塵，亦斷世間流轉苦，摧伏諸魔及外道，令我載此妙法乘。
	禪定	智慧境界等虛空，行力莊嚴遍法界，普滿一切群生欲，願速令我載此乘。
	般若	志樂清淨量難窮，無明愛見皆除滅，利益一切心無盡，願速令我載此乘。
	方便	願力如風速疾行，定心安住恒無動，普運一切諸含識，願速令我載此乘。
	願	堅誓如地永無傾，大悲如水恒饒益，勇健荷擔無疲倦，願速令我載此乘。
	力	普照眾生智慧日，四攝光明圓滿輪，總持勝妙清淨光，願示於我咸令見。
	智	能於劫海勤修學，一切種智圓滿因，摧滅堅執有為城，與我如是金剛智。
勸請		仁於諸佛大智海，獲是智海廣無涯，一切佛德靡不充，善哉大聖當宣說。 已入法王妙法城，已冠智王大智冠，已繫諸佛離垢繒，最勝智眼願觀察。
勸信勸行		爾時，文殊師利菩薩，如象王迴，觀察善財，作如是言：善哉善哉！善男子！汝已能發阿耨多羅三藐三菩提心，復欲親近諸善知識行菩薩行，問諸菩薩所行之道，善男子！親近供養諸善知識，是集一切智，最初因緣，由樂親近善知識故，令一切智疾得成滿，是故於此勿生疲厭。
善財問十三種圓滿菩薩法		善財白言：聖者！唯願慈悲廣為我說，我應云何學菩薩行，應云何修菩薩行，應云何起菩薩行，應云何行菩薩行，應云何滿菩薩行，應云何淨菩薩行，應云何轉菩薩行，應云何深入菩薩行，應云何出生菩薩行，應云何觀察菩薩行，應云何增廣菩薩行，應云何成就菩薩行，應云何令普賢行速得圓滿。（大問十二別一總）
		爾時，文殊師利菩薩為善財童子，而說偈言：
依十波羅蜜讚歎勸修	佛	善哉清淨功德海，佛子能來至我所，發起廣博大悲心，勇猛志求無上覺。
	法	為欲度脫諸有情，一切世間流轉苦，已發大願深如海，勤修一切菩薩行。
	僧	若有菩薩心堅固，久處生死無疲厭，彼當具足普賢行，得佛功德無能壞。
	精進	福德威光福德星，福德生處福德海，汝能普為諸眾生，誓修普賢清淨行。
	禪定	汝見無邊諸佛土，去來現在一切佛，亦聞所轉妙法輪，念力憶持無忘失。
	般若	汝於十方一切刹，普見無量諸如來，願海清淨悉皆成，具足菩薩塵沙行。
	方便	汝入方便大法海，安住如來功德地，導師勝行汝當修，當成一切無師智。
	願	汝於一切廣大刹，所有刹土微塵劫，於中修習普賢行，成就最勝菩提道。
	力	汝於無邊劫海中，普遍十方一切刹，為欲成滿諸大願，修行普賢諸妙行。
	智	此中無量諸眾生，聞汝願已皆歡喜，悉發廣大菩提意，專心願學普賢乘。
讚歎發心		爾是，文殊師利菩薩說此偈已，告善財童子言：善哉善哉！善男子！若有眾生，能發阿耨多羅三藐三菩提心，是事為難，能發心已，復欲勤求行菩薩行，倍更為難。
說根本法		善男子！汝今發心求菩薩道，為欲成就一切智智，應當勤求真善知識，善男子！求善知識勿生疲懈，見善知識勿生厭足，於善知識所有教誨，當念隨順，不應違逆，於善知識，善巧方便，但應恭敬，勿見過失。
推薦精進		善男子！於此南方有一國土，名為勝樂，其國有山，名曰妙峯，彼有比丘，名吉祥雲，汝可往問，菩薩云何學菩薩行，菩薩云何修菩薩行，乃至菩薩云何於普賢行，疾得圓滿。善男子！彼善知識當為汝說具足圓滿普賢行願。

附39-4：華嚴經入法界品福城東大塔廟會圍遶眾

福城東 會四眾	大智與五百優婆塞			
	大慧與五百優婆夷			
	善財等五百童子			
	善賢等五百童女			
	優婆塞	優婆夷	童子	童女
四眾上首皆善根具備	須達多優婆塞	大慧優婆夷	善財童子	善賢童女
	婆須達多優婆塞	善光優婆夷	善行童子	大智居士女童女
	福德光優婆塞	妙身優婆夷	善戒童子	賢稱童女
	有名稱優婆塞	可樂身優婆夷	善威儀童子	美顏童女
	施名稱優婆塞	賢優婆夷	善勇猛童子	堅慧童女
	月德優婆塞	賢德優婆夷	善思童子	賢德童女
	善慧優婆塞	賢光優婆夷	善慧童子	有德童女
	大慧優婆塞	幢光優婆夷	善覺童子	梵授童女
	賢護優婆塞	德光優婆夷	善眼童子	德光童女
	賢勝優婆塞	善目優婆夷	善臂童子	善光童女
			善光童子	

附39-4A：四十華嚴入法界品福城東大塔廟會圍遶眾

福城東 會四眾	大慧與五百優婆塞			
	大慧與五百優婆夷			
	善財等五百童子			
	妙賢等五百童女			
	優婆塞	優婆夷	童子	童女
四眾上首皆善根具備	須達多優婆塞	妙圓光優婆夷	善財童子	妙賢童女
	寶德優婆塞	梵德優婆夷	善禁童子	大慧童女
	圓光優婆塞	吉祥優婆夷	善戒童子	善賢童女
	名稱天優婆塞	妙臂優婆夷	善威儀童子	端嚴面童女
	月吉祥優婆塞	賢光優婆夷	善行童子	堅善慧童女
	月喜優婆塞	賢吉祥優婆夷	善思惟童子	吉祥賢童女
	月智優婆塞	月光優婆夷	善智童子	吉祥智童女
	大智優婆塞	星宿光優婆夷	善慧童子	供養德童女
	賢護優婆塞	賢德優婆夷	善眼童子	吉祥圓光童女
	賢吉祥優婆塞	妙眼優婆夷	善臂童子	妙覺童女
			善光童子	